



Aðildarfélag KSÍ
b.t. formanna/framkvæmdastjóra

Reykjavík, 27. mars 2026

Breytingar á reglugerð KSÍ um aga- og úrskurðarmál

Ágætu félagar.

Stjórn KSÍ hefur samþykkt breytingar á reglugerð KSÍ um aga- og úrskurðarmál.

Eftirfarandi er yfirlit yfir breytingar á texta reglugerðarinnar ásamt greinargerð:

Það sem samþykkt hefur verið að falli inn í reglugerð er **rauðmerkt**.

Það sem samþykkt hefur verið að fella út úr reglugerða er ~~yfirstrikað~~.

I. kafli. ALMENN ÁKVÆÐI

1. grein - Gildissvið

- 1.1 Reglugerð þessi er sett með stöð í ~~31.~~ **22.** grein laga Knattspyrnusambands Íslands og samkvæmt agareglum FIFA (*FIFA Disciplinary Code*). Hún gildir um öll aga- og úrskurðarmál innan vébanda KSÍ nema mál séu sérstaklega falin öðrum úrskurðaraðilum samkvæmt lögum og reglugerðum KSÍ.

II. kafli. MÁLSMEÐFERÐARREGLUR

[...]

7. grein - Kærumál

- 7.1 Einstaklingur og/eða félag, sem misgert er við og hefur hagsmuni af meintu broti hefur rétt til að leggja fram kæru til aga- og úrskurðarnefndar KSÍ. Aðila sem hefur kærurétt er heimilt að beina þeirri kröfu til nefndarinnar að hann verði aðili máls og skal slík krafa koma fram eigi síðar en við aðalflutning málsins. Varnaraðili getur verið hver sá sem tilgreindur er í grein 4.4. Mál vegna greina ~~13.1.4, 13.1.5,~~ 14.2.3, 15 og 16 skv. reglugerð þessari skal fara með sem kærumál og skulu þau fá flýtimeðferð þegar við á. Meðferð kærumála fyrir aga- og úrskurðarnefnd frestar ekki lágmarks sjálfkrafa leikbanni vegna brottvísunar.

III. kafli. ÚRSKURÐIR AGA- OG ÚRSKURÐARNEFNDAR

[...]

11. grein - Birting úrskurða

- 11.1 Nefndin sendir málsaðilum staðfest endurrit úrskurða jafnskjótt og þeir hafa verið kveðnir upp með tölvupósti til formanns knattspyrnudeildar, framkvæmdastjóra og þeirra aðila sem félagið

hefur tilkynnt KSÍ um eða kæranda og kærða sem getið er í kæru og greinargerð. Áhætta af mistökum við afhendingu tölvupósts hvílir alfarið á móttakanda. **Viðurlög í agamálum birtast í mótakerfi KSÍ og taka þá þegar gildi.**

IV. kafli. VIÐURLÖG OG REFSINGAR

[...]

13. grein - Viðurlög við agabrotum

13.1 Viðurlög við agabrotum ákvarðast sem hér segir:

13.1.1 Leikmaður sem fær eftirfarandi fjölda áminninga á sama keppnistímabili skal ~~úrskurðaður~~ **fara sjálfkrafa** í leikbann sem hér segir:

a) Í Íslandsmóti og Meistarakeppni KSÍ ~~(telur saman)~~

- 4 áminningar – bann í 1 leik í Íslandsmóti
- 7 áminningar – bann í 1 leik í Íslandsmóti
- 10 áminningar – bann í 1 leik í Íslandsmóti
- Þriðja hver áminning eftir það - bann í 1 leik í Íslandsmóti

Leikmaður í félagi í efstu deild karla eða 1. deild karla sem fengið hefur 3 áminningar eða minna á yfirstandandi keppnistímabili að loknum 22 umferðum í efstu deild karla eða 1. deild karla skal fá eina áminningu dregna frá þeim áminningum sem leikmaður hefur fengið fyrir upphaf úrslitakeppni/umspili viðkomandi deildar.

Leikmaður í félagi í efstu deild kvenna sem fengið hefur 3 áminningar eða minna á yfirstandandi keppnistímabili að loknum 18 umferðum í efstu deild kvenna skal fá eina áminningu dregna frá þeim áminningum sem leikmaður hefur fengið fyrir upphaf úrslitakeppni efstu deildar kvenna.

Leikmaður í félagi í 5. deild karla sem fengið hefur 3 áminningar eða minna á yfirstandandi keppnistímabili að lokinni riðlakeppni í 5. deild karla skal fá eina áminningu dregna frá þeim áminningum sem leikmaður hefur fengið fyrir upphaf úrslitakeppni 5. deildar.

b) Í bikarkeppni KSÍ ~~og í bikarkeppni neðri deilda (telur saman)~~

- 2 áminningar – bann í 1 leik í bikarkeppni KSÍ ~~eða í bikarkeppni neðri deilda~~
- 4 áminningar – bann í 1 leik í bikarkeppni KSÍ ~~eða í bikarkeppni neðri deilda~~
- Önnur hver áminning eftir það - bann í 1 leik í bikarkeppni KSÍ ~~eða í bikarkeppni neðri deilda~~

Áminningar sem leikmenn í meistaraflokki fá í undankeppni í bikarkeppni KSÍ telja ekki í aðalkeppni hennar ~~né í bikarkeppni neðri deilda~~. Úrskurðir sem kveðnir hafa verið ~~upp um leikbönn~~ **Leikbönn sem hafa tekið gildi** vegna áminninga í undankeppni bikarkeppni KSÍ gilda þó í aðalkeppni í bikarkeppni KSÍ ~~eða í bikarkeppni neðri deilda~~. Áminningar sem leikmenn í meistaraflokki fá í aðalkeppni bikarkeppni KSÍ ~~eða í bikarkeppni neðri deilda~~ telja ekki að loknum 8 liða úrslitum þeirra keppna. Úrskurðir sem kveðnir hafa verið ~~upp um leikbönn~~ **Leikbönn sem hafa tekið gildi** vegna áminninga í aðalkeppni bikarkeppni KSÍ ~~eða í bikarkeppni neðri deilda~~ að loknum 8 liða úrslitum gilda þó í ~~báðum keppnum~~.

c) Í bikarkeppni neðri deilda

- 2 áminningar – bann í 1 leik í bikarkeppni neðri deilda
- 4 áminningar – bann í 1 leik í bikarkeppni neðri deilda
- Önnur hver áminning eftir það – bann í 1 leik í bikarkeppni neðri deilda

Áminningar sem leikmenn fá bikarkeppni neðri deilda telja ekki að loknum 8 liða úrslitum keppinnar. Leikbönn sem hafa tekið gildi að loknum 8 liða úrslitum gilda þó.

13.1.2 Leikmaður, sem vísað er af leikvelli einu sinni eða oftár á sama keppnistímabili, skal fara sjálfkrafa í leikbann í næsta leik eða næstu leikjum sem hér segir:

a) Í Íslandsmóti og Meistarakeppni KSÍ ~~(telur saman)~~

- brottvísun – sjálfkrafa bann í 1 leik í Íslandsmóti ~~og/eða Meistarakeppni KSÍ ef við á~~
- 2. brottvísun – sjálfkrafa bann í 2 leiki í Íslandsmóti ~~og/eða Meistarakeppni KSÍ ef við á~~
- 3. brottvísun – sjálfkrafa bann í 3 leik í Íslandsmóti ~~og/eða Meistarakeppni KSÍ ef við á~~
- 4. brottvísun – sjálfkrafa bann í 4 leiki í Íslandsmóti ~~og/eða Meistarakeppni KSÍ ef við á~~
- o.s.frv.
- b) Í bikarkeppni KSÍ ~~og bikarkeppni neðri deilda (telur saman)~~
 - brottvísun – sjálfkrafa bann í 1 leik í bikarkeppni KSÍ ~~og/eða í bikarkeppni neðri deilda~~
 - 2. brottvísun – sjálfkrafa bann í 2 leiki í bikarkeppni KSÍ ~~og/eða í bikarkeppni neðri deilda~~
 - 3. brottvísun – sjálfkrafa bann í 3 leiki í bikarkeppni KSÍ ~~og/eða í bikarkeppni neðri deilda~~
 - o.s.frv.
- c) Í bikarkeppni neðri deilda
 - brottvísun – sjálfkrafa bann í 1 leik í bikarkeppni neðri deilda
 - 2. brottvísun – sjálfkrafa bann í 2 leiki í bikarkeppni neðri deilda
 - 3. brottvísun – sjálfkrafa bann í 3 leiki í bikarkeppni neðri deilda
 - o.s.frv.

- 13.1.3 Sé leikmanni vísað af leikvelli eftir að hann hefur hlotið áminningu, skal hann eingöngu hljóta refsingu í samræmi við brottvísunina, þ.e. áminningin fellur niður.
- 13.1.4 Sé leikmanni vísað af leikvelli fyrir ofsalega framkomu, alvarlega grófan leik eða aðra grófa ólífróttamannslega framkomu, skal refsa honum með leikbanni allt að 6 leikjum.
- 13.1.5 Aga- og úrskurðarnefnd er heimilt að setja leikmann í tímabundið keppnisbann í öllum aldursflokkum, ef um alvarlegt eða ítrekað brot er að ræða.
- 13.2 Viðurlög aga- og úrskurðarnefndar í agamálum skal afplána í leikjum í Íslandsmóti og/eða meistarakeppni KSÍ annars vegar og hins vegar í ~~þeirri~~ bikarkeppni ~~sem til þeirra viðurlaga er stofnað KSÍ og bikarkeppni neðri deilda~~ nema annað sé tekið fram í úrskurði aga- og úrskurðarnefndar. Viðurlög við brotum í innanhússknattspyrnu - Futsal skal fara með skv. grein 13.10 og viðurlög varðandi keppni í 7 manna liðum skal fara með skv. grein 13.11.f
- 13.3 Ef leikmaður eða þjálfari á eftir að taka út agaviðurlög vegna brottreksturs þegar keppnistímabili lýkur, skal það gert í byrjun næsta keppnistímabils viðkomandi. Agaviðurlög vegna áminninga flytjast ekki á milli keppnistímabila. Flytjist leikmaður á milli aldursflokka um áramót, skal hann taka út viðurlög vegna brottreksturs í nýjum aldursflokki.
- 13.4 Þegar leikmaður hefur heimild til að leika með tveimur eða fleiri aldursflokkum á sama keppnistímabili, skal hann taka út viðurlög í þeim aldursflokki, þar sem hann hefur unnið til þeirra, þ.e. brot í hverjum einstökum aldursflokki skulu meðhöndlast sérstaklega. Í þessu sambandi greinist 1. aldursflokkur í meistaraflokk og varalið og aðrir aldursflokkar í a og b lið og skal fjalla um brot sérstaklega í hverju keppnisliði fyrir sig.
- 13.5 Þegar félag sendir fleiri en eitt lið til keppni í sama mótið skal leikmaður taka út refsingu sína með öllum liðum félagsins í mótum í sama aldursflokki sbr. þó 13.4.
- 13.6 Ef þjálfari eða forystumaður liðs sem er á leikskýrslu er áminntur af dómara eða vísað frá leikvelli, skal viðurlögum beitt eftir sömu reglum og gilda um leikmenn, þar sem þær eiga við.
- 13.7 Þjálfari, starfsmaður eða forystumaður sem tekur út leikbann og mætir á leikstað skal vera meðal áhorfenda frá og með einni klukkustund fyrir leik. Frá þeim tíma og á meðan leik stendur er viðkomandi þjálfara, starfsmanni eða forystumanni;
- a) óheimilt að vera á leikvellingum, í boðvangi, í búningsherbergjum eða annars staðar þar sem viðkomandi getur verið í tengslum við lið sitt, og

- b) óheimilt að vera í samskiptum við eða hafa samband við einstaklinga tengdum leik, sér í lagi leikmenn og starfsfólk liðsins.
- Eftir leik er þjálfara, starfsmanni eða forystumanni í leikbanni óheimilt að taka þátt í blaðamannafundi eða hvers konar **umfjöllun eða** fjölmiðlastarfsemi á leikvangi í tengslum við leik sem leikbannið tekur til.
- 13.8 Ef leikmaður, sem jafnframt er þjálfari liðsins, er úrskurðaður í leikbann, er honum óheimilt að stjórna liðinu í þeim leikjum sem hann tekur út leikbann í. Ef leikmaður, sem jafnframt er þjálfari annars liðs, er úrskurðaður í leikbann, er honum heimilt að stjórna liði sínu á því tímabili, sem hann tekur út leikbann sem leikmaður.
- 13.9 Til viðbótar fyrrnefndum viðurlögum getur aga- og úrskurðarnefnd beitt eftirfarandi refsingum:
- a) Brot samkvæmt ákvæðum 13. gr. geta varðað sektum allt að fjárhæð kr. 500.000 í meistaraflokki og kr. 250.000 í öðrum aldursflokkum. Sama gildir ef þessir aðilar verða uppvísir að óprúðmannlegri framkomu.
 - b) Aðildarfélag sem fær sjö eða fleiri refsistig í sama leiknum, þar sem áminning er 1 refsistig og brottvísun 4 refsistig, skal sektað um kr. 5.000 í leikjum í meistaraflokki fyrir hvert refsistig umfram 6, en kr. 2.500 fyrir leiki í öðrum flokkum.
 - c) Aðildarfélag sem yfirgefur leikvöll í mótmælaskyni eða neitar að halda áfram leik má refsa með brottrekstri úr keppni, stigatapi, leikbanni á öllum **eða einstaka** leikmönnum liðsins, **leikbanni þjálfara, starfsmanni og/eða forráðamanni** og/eða sekt að lágmarki upphæð kr. 250.000 og allt að kr. 500.000. Sé brot framið í öðrum flokki en í meistaraflokki skal sekt vera að lágmarki kr. 150.000 og að hámarki kr. 250.000.
 - d) Ef forystumaður aðildarfélags, sem ekki er á leikskýrslu eða áhorfandi gerast sekir um vítaverða eða hættulega framkomu gagnvart leikmönnum, dómurum, þjálfurum eða öðrum er heimilt að sekta viðkomandi aðildarfélag um ~~að lágmarki upphæð kr. 200.000 og~~ allt að kr. 500.000. Ef brot telst alvarlegt eða um ítrekun er að ræða er auk þess heimilt að setja viðkomandi lið í heimaleikjabann, þar til öryggi leikmanna, þjálfara og annarra telst tryggt.
 - e) Brot skv. tilkynningu málskotsnefndar KSÍ sbr. 21. grein hefur í för með sér refsingu eftir eðli brotsins, sekt ~~að lágmarki fjárhæð kr. 200.000 og~~ allt að kr. 500.000 og/eða leikbann í tiltekinn fjölda leikja eða tímabundið.
 - f) Aðrar refsingar sem lög og reglugerðir KSÍ tataka og heimila.
- 13.10 Refsingar takast út í innanhússmótum (sem leikin eru skv. reglugerð KSÍ um innanhússknattspyrnu - Futsal) á þann hátt, að hafi leikmaður hlotið tvö gul spjöld í viðkomandi móti, skal hann fara sjálfkrafa í leikbann í næsta leik og svo í sjálfkrafa eins leiks bann fyrir hver tvö gul spjöld þar á eftir í mótinu. Fyrir brottrekstur skal hann fara sjálfkrafa í leikbann í næsta leik og fyrir brottrekstur í annað sinn í mótinu skal hann fara sjálfkrafa í tveggja leikja bann o.s.frv. Hafi dómari vísað leikmanni af leikvelli fyrir ofsalega framkomu, alvarlega grófan leik eða aðra grófa óíþróttamannslega framkomu, skal aga- og úrskurðarnefnd úrskurða leikmanninn í frekara leikbann. Viðurlög skulu ekki flytjast á milli innanhússmóta. Viðurlög vegna leikja í Íslandsmóti, bikarkeppni, bikarkeppni neðri deilda og Meistarakeppni KSÍ verða ekki tekin út í innanhússmótum.
- 13.11 Áminningar og brottvísanir eru ekki skráðar á leikskýrslu í keppnum í 7 manna liðum og brottvísun gildir aðeins í viðkomandi leik og hefur ekki í för með sér frekara keppnisbann nema að um sé að ræða mjög alvarlegt atvik sem dómari skal þá gefa aga- og úrskurðarnefnd skýrslu um.

V. kafli. ÁFRÝJUN

[...]

- 19.1 Úrskurður aga- og úrskurðarnefndar KSÍ um ágreiningsefni sem ekki verður skotið til áfrýjunardómstóls KSÍ er endanlegur og bindandi fyrir málsaðila. Verður þeim úrskurðum ekki skotið til áfrýjunardómstóls KSÍ eða annarra dómstóla innan íþróttahreyfingarinnar. ~~Jafnframt skuldbinda aðilar sig til að skjóta ágreiningi, sem úrskurðað hefur verið um af aga- og úrskurðarnefnd KSÍ, ekki til almennra dómstóla.~~ Samkvæmt lögum KSÍ er aldrei heimilt að reka ágreiningsmál vegna laga- og reglugerða KSÍ fyrir almennum dómstólum.

VI. kafli. - ÝMIS ÁKVÆÐI

[...]

25. gr. - Gildistaka

- 25.1 Reglugerð þessi er sett með stoð í ~~20.~~ 2., 19. og ~~31.~~ 22. grein laga KSÍ og öðlast þegar gildi að því undanskildu að agaviðurlög frá tímabilinu 2025 skal afplána samkvæmt reglum sem voru í gildi það tímabil, þ.e. viðurlög frá tímabilinu 2025 skal afplána í leikjum í Íslandsmóti og meistarakeppni KSÍ annars vegar og hins vegar í bikarkeppni KSÍ og bikarkeppni neðri deilda.

Greinargerð:

Breytingar eru einkum gerðar á 13. gr. reglugerðarinnar sem kveða á um agaviðurlög og fela það fyrst og fremst í sér að gert er ráð fyrir sjálfkrafa leikbanni vegna uppsafnaðra spjalda auk þess sem búið er að slíta í sundur agaviðurlög milli einstakra keppna. Undanfarin ár hafa gul spjöld verið talin saman í Meistarakeppni KSÍ og Íslandsmóti og að sama skapi hafa gul spjöld talið saman í bikarkeppni KSÍ og bikarkeppni neðri deilda. Með þessari breytingu er horfið frá þessu og því munu leikmenn aðeins vera í leikbanni í þeirri keppni sem þeir fá spjald/spjöld í. Frá þessu er sú undantekning að áfram er gert ráð fyrir að brottvísun í meistarakeppni KSÍ hafi í för með sér leikbann í Íslandsmóti og aga- og úrskurðarnefnd getur áfram beitt banni milli keppna í alvarlegum tilfellum.

Stjórn KSÍ hefur jafnframt falið laga- og leikreglnanefnd KSÍ að taka til skoðunar reglur sem samþykktar voru á ársþingi KSÍ árið 2025 og fela í sér afslátt af gulum spjöldum að lokinni hefðbundinni deildarkeppni. Af reynslu síðasta keppnistímabils hefur nefndinni verið falið að skoða möguleika á breytingum til einföldunar en stefnt er að því að halda í fyrirkomulag í anda þeirrar umræðu sem fram fór á ársþingi 2025.

Breytingarnar taka gildi þegar í stað. Agaviðurlög frá árinu 2025 skal afplána samkvæmt þeim reglum sem voru í gildi þegar til þeirra var stofnað. Þetta felur í sér að úrskurðir um agaviðurlög frá síðasta tímabili skal afplána í leikjum í Íslandsmóti og meistarakeppni annars vegar og hins vegar í bikarkeppni og bikarkeppni neðri deilda hins vegar, sbr. 25. gr.

Ef frekari upplýsinga er óskað má hafa samband við undirritaðan á netfangið axel@ksi.is.

Axel Kári Vignisson lögmaður,
yfirlögfræðingur KSÍ.